

بِسْمِ اللَّهِ الرَّحْمَنِ الرَّحِيمِ

Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

28 Octobre 2016 ~
(26 Muharram 1438 AH)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lor le sujet de « L'Existence Bondié »:

لَا تُدْرِكُهُ الْأَبْصَارُ وَهُوَ يُدْرِكُ الْأَبْصَارَ وَهُوَ اللَّطِيفُ الْخَبِيرُ

Laa tudri-kuhul-'absaar-wa Huwa yudrikul-'absaar: wa Huwal-Latiiful-Khabiir.

« Lizié pas capave zoine Li (Allah), mais Li saizi tout lizié. Li Celui ki Incompréhensible, et Li au courant de tout. » (Al-Anam 6: 104).

Dans sa verset là, Allah pé attire l'attention de l'homme lor le fait ki so deux lizié zamais pou capave trouve Li, parski Allah Li subtile, c'est-à-dire, ki personne pas capave compran Li et tout saki Li représenter, parski connaissance complet lor Allah pas fine donné à personne. Zis Allah conne Li-même dans So profondeur et aucaine lizié de l'homme ou les autres créatures pas pou capave saizi So l'existence. Donc, Allah Li subtile et d'ordinaire tous bane kitchoses subtiles pas capave trouve zot, pas capave percevoir zot à travers lizié physique de l'homme. Alors ki chemin exister pou ki nous conne Allah ? Allah même réponde sa question là en disant : **« Mais Li (Allah) saizi tout lizié »**, c'est-à-dire, si liziés dimoune pas capave trouve Li, mais Allah Li, Li révèle Li-même à l'homme en affichant So bane pouvoirs devant li, et aussi par ene manifestation de So bane attributs. Ena beaucoup bane grands moyens à travers quoi Allah révèle Li à l'homme. Li affiche So puissance illimitée, parfois par bane signes extra effrayant, parfois à travers bane prophètes, parfois par bane signes de miséricorde et parfois en acceptant la prière de So bane serviteurs.

De tous bane doctrines et bane croyances, ki fine soumette zot à sa l'époque de matérialisme là, pli grand doctrine là-dans c'est croyance dans l'existence Bondié. Ene idolâtre associé bane les autres dieux avec Allah (Bondié), mais au moin li croire dans l'existence Bondié. Mais selman ene athée li, li nié l'existence même d'ene Être Suprême (Allah/ Bondié). Le fait ki dans la science moderne de nous l'époque, tout basé lor l'observation, alors ene athée fer sa kalité demande là : ***Si ena ene Bondié, alor montrer Li nous. Couma eski nous pou capave croire dans Li sans trouve Li avant ?***

Le fait ki bane influences occidentales fine traverse ene longue chemin, en effaçant lor zot parcours l'impression ou la marque d'Allah (l'Être Suprême/ Bondié) de les cœurs de bon nombres de bane jeunes et ki des centaines de bane étudiants, avocats, etc., fine commence rénier l'existence de Dieu, et ki des milliers de bane dimounes, par peur de la communauté fine commence abstenir zot de bane déclarations ouvert de zot points de vue, parski zot népli ena vraiment la foi dans Allah, donc Allah fine inspire moi pou écrire sa Khutba là azordi afin ki kit l'âme fortuné capave profite de sa bane paroles là.

Premier demande ki ene athée faire c'est ki : ***Si ou montrer nous Bondié, nous pou croire dans Li.*** L'homme conne bane kitchoses différent par le moyen de bane différents sens ki li ena. Ena certains kitchoses ki li alle conné à travers so la vue, à travers so sens du touché, certains au moyen de l'odora (c'est-à-dire, à travers so néné), certains au moyen de so capacité pou tendé (c'est-à-dire, à travers so zoreille) et d'autres par la dégustation (c'est-à-dire, so capacité pou goûter, à travers so la langue/ la bouche). Couma nous reconnaite ene couleur ? Nous reconnaite li à travers nous lizié, nous la vue, et non pas par l'odora, le toucher ou dégustation. Si kikaine dire ki li pou reconnaite ene couleur seulement si li réussi entende le son de sa couleur là, alor eski bane les autres dimounes pas pou prend sa kalité dimoune là couma ene imbécile? De même, nous capave percevoir ene parfum à travers l'odora (nous néné).

Maintenant, si kikaine dire ki li pou considère ene rose ki li parfumée seulement si li réussi goûte so parfum, alor eski bane les autres pou prend sa kalité dimoune là comme ene dimoune sage ? En plisse de sa, si kikaine rode conne le goût de bane kitchoses seulement par l'odora (c'est-à-dire, so capacité pou senti avec so néné), surtout pour bane telles kitchoses ki zis à travers dégustation ki nous pou capave gagne so goût, couma l'acidité, la douceur, bane zaffaires amer et salé, alor ene telle dimoune pas pou capave fer sa seulement kan li senti sa bane kitchoses là. Donc, li pas convenir ki nous bizin accepter zis sa bane kitchoses ki nous capave contempler avec nous lizié et ki nous rézette bane kitchoses ki nous pas capave trouver. Si nous considère ki zis nous la vue suffi pou conne ene kitchose, alors nous ti bizin nié l'existence de parfum d'ene rose, nous ti pou bizin rénier l'acidité d'ene citron/ limon, nous ti pou bizin rejette l'existence de douceur ki ena dans di-miel, nous ti pou bizin pas d'accord ki fer (métale ou féraille) li dure, et nous ti pou bizin rénier ki ena kit mélodie dans son, parski tous sa bane zaffaires là, nous pas capave percevoir zot à l'aide de nous lizié. Alor sa demande ki bane athée et bane les autres dimounes mette de l'avant pou ki présente

Bondié devant zot afin ki zot gagne la foi li bien absurde/ idiot ! Eski bane ki faire ene telle demande croire dans parfum ki ene rose émette ou dans douceur di-miel parski zot fine trouve parfum et douceur là ? Alor kifer, dans le cas de l'Être Suprême, zot exige pou trouve Bondié (Allah) avec zot lizié comme ene condition nécessaire afin ki zot accepter Li?

De plus, ena certain kitchoses dans l'homme li-même ki zot l'existence li reconnaîte sans ki li fine trouve zot. Eski l'homme croire dans l'existence de so lé cœur, lé foie, cerveau, so bane intestins, so bane poumons et so la rate après ki li fine trouve zot? Si ti bizin retire tous sa bane kitchoses là de so lé corps afin pou montrer li tous sa bane organes ki trouve dans so lé corps là, alor sa dimoune là ti pou très certainement trouve la mort avant même ki li fine gagne lé temps guette zot. Mo fine donne sa bane l'exemples là afin pou montrer ki nous pas conne tout zaffaire simplement par le moyen nous la vue (de nous lizié) mais ki nous capave aussi conne tout sa par le moyen de nous bane cinq sens différents. Maintenant, mo pou montrer ki ena beaucoup kitchoses ki nous pas capave conné, même par nous bane cinq sens, et ki ena ene l'autre façon pou conne zot. Par exemple, la raison, mémoire et l'intelligence zot bane kitchoses ki zot l'existence nous pas capave nier. Personne dans le monde pou capave nier ki sa exister, mais pourtant, personne zamais fine trouve, tende, goûte, senti ou touche zot. Couma alor nous fine capave ena l'impression ki ena ene tel kitchose couma la raison, ou mémoire ou l'intelligence ki exister? Ou bien, prend l'énergie par exemple, ki presque tous dimounes, que ce soit ki li faible ou fort possédé. Mais eski kikaine fine déza trouve, ou bien senti, ou bien touche ou goûte l'énergie? Même ene dimoune bien simple pou capave trouver ki nous pas fine conne sa bane zaffaires là à travers bane cinq sens ki nous ena, mais ki ena bane les autres preuves ki fine amène nous pou conne à propo de zot l'existence.

Mais Allah Li le plus subtile de tout bane kitchoses ki exister. Alor, li pou ene zaffaire bien injuste pou déclarer ki nous pas pou capave croire dans l'existence d'Allah à moin ki montré Li devant nous. Eski ene kikaine fine déza trouve l'électricité? Mais alor, couma eski li pou capave nier la transmission de bane messages et de bane signales ziska bane longues distances, couma eski li pou capave nier l'éclairage et le fonctionnement de bane machines au moyen de l'électricité? La découverte de sakaine de sa fine provoque ene révolution dans le domaine de la science physique, mais eski ena ene scientifique jusqu'à maintenant ki fine capave trouve li à travers so la vue (so lizié), à travers so capacité pou tender, goûter, senti ou touché? Mais si nous nier so l'existence, nous trouve nous dans l'incapacité pou expliqué couma bane rayons soleil arrive ziska la Terre. Alor li pou bien injuste pou exiger ki pou croire dans Allah, Li bizin vine visible devant nous lizié, tandi ki ena beaucoup beaucoup kitchoses dans quoi nous croire, mais ki pas visible à nous lizié ou ki même nous pas percevoir par les reste de nous bane cinq sens. Allah Li visible mais seulement pour bane lizié ki ena capacité pou trouve Li. Mais si kikaine envie trouve Li (Allah), alor li bizin apprane ki Allah Li apparent devant le monde entier grâce à So bane pouvoirs ki Li ena et zot bizin conné ki Li ene Être ki cachiette/ ki Secret, mais malgré sa, Allah Li en même temps le plus apparent de tous. Quran Shareef fine brièvement mais extraordinairement mentionne sa couma mo fine expliqué au commencement de mo Khutba.

De plus, l'existence d'Allah couma fine clairement prouvé dans Quran Shareef li comme suite:

« Tout en dernier alle vers to Maître (Allah). C'est Li ki faire toi riyé et plorer. C'est Li ki donne la vie et la mort. C'est Li ki créer tout par pair, male et femelle, de sperme, après so éjection. » (An-Najm 53: 43-47).

Dans sa bane versets là, Allah attire l'attention de l'homme lor le fait ki sak action bizin ena ene agent et donc si nous réfléchi lor l'ensemble de l'univers, nous pou arrive à la conclusion ki Allah Li la fin de tout kitchoses et ki c'est Li Qui dirige l'univers. Si ene dimoune réfléchi lor sa création immense là, li pas pou ena d'autre choix excepter pou accepter l'existence de sa Être Qui fine crée sa l'univers là, c'est-à-dire, Allah.

Ki Allah aide l'humanité pou reconnaîte et ressenti So l'existence à l'intérieur de zot-même, dans zot for intérieur et à travers bane nombreux signes apparents dans sa l'univers là, ki chante bane louanges d'Allah, de So présence parmi nous tous. *Insha-Allah, Ameen.*